

INUIT ATAQATIGIIT INATSISARTUNI



Nuuk 11. August 2026

UKA2026/403

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Kræftimik nappaateqarnermik pasitsaassisoqartillugu aaqqissuussnermik eqqussisoqarnissaanik Naalakkersuisut peqquneqarnissaannik Inatsisartunut aallajangiiffigisassatut siunnersuut, tamatuma kingorna napparsimasut Rigshospitalimi erngertumik misissortinnissaannik innersuunneqartalerlutik.
(Inatsisartunut ilaasortaq Mimi Karlsen, Inuit Ataqatigiit)

Tunngavilersuut:

Napparsimasut kræfteqalerasugisat sukanerpaamik paasineqarnissaat pisarioqarpoq. Piffissaq katsorsartinnissamut sivikinneruppat annannissaq ajorunnaarnissarlu periarfissaqarneruvoq.

Sinerissami avinngarusimasumi, Nuummumut ungasilluni nakorsiarneq pisarioqaaq. Avinngarusimasuni amerlasuutigut nakorsat paarlaasuusarput taarseraattupilussuullutillu. Tamanna peqqutaallunissaq kræfteqalersut amerlasuut kingusippallaakkut paasineqartarput, uggornaraluartumillu arlallit kingusinaartumik paasineqartarlutik.

Sinerissamiit ajornaatsuinnaanngilaq Nuuliarniarsarineq. Sapernunerit illoqarfimni allani unnuisaqattaarnerit pisinnaasarput. Tamanna napparsimasumut pisarioqaaq nukimmillu atuinaqaluni, aammalu peqqinnissaqarfimmut akisoqaluni.

Cancerregisteret og Dødsregisteret, NORDAN (www.ancr.nu) allaaserineqarpoq nunani avannarlerni kræftemik toqusarneq kalaallit nunaanni annerpaajusoq.

Taakkuttaaq isumaqarput iliuuserisassat piviusumik ujjartorneqartariaqartut. Iliuuserineqarsinnaasullu ilagaat kræfteqalersimasunik pasitsaataqaraani ingerlaannaq Rigshospitalimut misissortigiartortarnissaq, tassanilu qulaajaasoqarlunilu katsorsarneqarnissamut pilersaarusiortoqartassaaq.

Kisianni pingaarnerpaaq: kræfteqarasugisap piaartumik paasineqarnissaa, pilertornerusumillu katsorsartinnisaata isimagineqarnissaa.

Taamaammat kræfteqarasugisat Sana-liarteqaarnagit Rigshospitalimut misissortigiartortarnissai siunnersuutigaa.

Pisortanut aningaasatigut allaffissornikkullu kingunerisassai:

<https://www.ism.dk> malillugu ukiumit Nunatsinni kræfteqlersartut 250 missaanniipput. Billet dk uterlugulu inuk ataaseq 10.000-qarpat, taava ukiumut misissortitsiartorneq 2.500.000kr -qassaaq.

Allaffissornikkut pilersaarusiornikkullu kinguneqaateqassaaq (ukioq ilivitsup nalinganik), taakkulu 500.000 kr-t missaanniipput.

Namminersortunut aningaasaatigut allaffissornikkullu kingunerisassai:

Namminersortunut aningaasartuuteqassanngilaq

Innuttaasunut aningaasatigut allaffissornikkullu kingunerisassai:

Soqanngilaq.